

JU Osnovna muzička škola „Mladen Pozajić“ Sarajevo sa sjedištem u ulici Josipa Šadlera br. 1 Sarajevo (Naručilac usluga) koju zastupa direktor Mustafa Mujbegović i **Obrtnička djelatnost „SCODES“** sa sjedištem u ulici Doljanska br. 43 Sarajevo, koju zastupa vlasnik Novalija Salem (Izvršilac usluga) sklopili su u Sarajevu dana 04.05.2017. godine sljedeći

U G O V O R

o nabavci usluga izrade i održavanja web stranice škole za 2017. godinu.

I PREDMET UGOVORA

Član 1

Predmet ovo ugovora je usluga izrade i održavanja web stranice škole za 2017. godinu, kako bi škola imala aktivnu i ažurnu web stranicu koja može odgovoriti svim zahtjevima korisnika usluga, a prema usvojenoj ponudi Izvršioca broj: 002/17 od 22.04.2017. godine.

Član 2

Izrada web stranice obuhvata sljedeće usluge:

- Izradu web stranice na novom hosting serveru
- Osmišljavanje i programiranje aplikacijskih skripti potrebnih za funkcionisanje internet stranice
- Testiranje ispravnosti sadržaja, te predaje web stranice Naručiocu na korištenje

Održavanje se odnosi na sljedeća područja:

- Izmjena programskih mogućnosti web stranice
- Izmjena sadržaja web stranice
- Praćenje, izmjene i ažuriranje elektronske pošte zaposlenika Naručioca usluga.

Član 3

U svrhu obavljanja poslova iz Člana 2. Naručilac će Izvršiocu omogućiti pristup hosting serveru.

II IZMJENE PROGRAMSKIH MOGUĆNOSTI

Član 4

Izvršilac usluga će na zahtjev Naručioca usluga izmjeniti i/ili prilagoditi način rada web stranice u najkraćem mogućem roku.

Član 5

Zahtjev za izmjenom programskih mogućnosti može dati jedino Naručilac usluga. Naručilac usluga može zahtjev izraziti pismeno, odnosno e-mail porukom.

Član 6

Izvršilac usluga se obavezuje evidentirati sve promjene učinjene na web stranici. Na zahtjev Naručioca usluga sve izmjene će se dokumentovati u pismenom obliku.

III IZMJENE SADRŽAJA WEB STRANICE

Član 7

Izvršilac usluga se obavezuje obaviti sve zahtjeve izmjene sadržaja web stranice Naručioca usluga u najkraćem mogućem roku. Naručilac usluga može zahtjev izraziti usmeno (telefonski), pismeno, odnosno e-mail porukom.

Član 8

Izvršilac usluga ne odgovara za sadržaj web stranice koji je zaprimljen pismenim putem, odnosno e-mail porukom od strane Naručioca usluga.

IV PRAĆENJE, IZMJENE I AŽURIRANJE ELEKTRONSKE POŠTE ZAPOSLENIKA NARUČILACA USLUGA

Član 9

Izvršilac usluga se obavezuje da će kontinuirano pratiti, te po potrebi vršiti izmjene i ažuriranje elektronske pošte zaposlenika Naručioca usluga, kako bi ista bila u radno funkcionalnom stanju i odgovarala svakodnevnom zahtjevima pismene korespondencije.

V CIJENA, KOLIČINA I NAČIN PLAĆANJA

Član 10

Ukupna cijena izrade i održavanja web stranice škole iz člana 1. Ugovora iznosi 890,00 KM (osamstodevedeset i 00/100 KM) bez uračunatog PDV-a i ne može preći navedeni iznos.

Član 11

Naručilac usluga se obavezuje da će za uslugu izrade web stranice škole na novom hosting serveru platiti 50 KM bez uračunatog PDV-a.

Član 12

Izvršilac usluga se ovim Ugovorom obavezuje Naručiocu usluga kontinuirano vršiti održavanje web stranice Škole iz člana 1. ovog Ugovora, za vrijeme trajanja ovog Ugovora. Naručilac usluga se obavezuje da će plaćanje obavljene usluge vršiti mjesečno u paušalnom iznosu od 70,00 KM (sedamdeset i 00/100 KM) bez uračunatog PDV-a. Naručilac usluga se obavezuje da će dati nalog za plaćanje Trezoru Kantona Sarajevo.

Član 13

Izvršilac usluga se obavezuje da uslugu prema Naručiocu usluga fakturiše na mjesečnom nivou, a na bazi otpremnih dokumenata. Naručilac usluge se obavezuje ispostavljenu fakturu platiti u roku od 30 dana od dana prijema istih.

VI TRAJANJE UGOVORA

Član 14

Ovaj ugovor stupa na snagu danom potpisivanja ovlaštenih predstavnika ugovornih strana, te od tog momenta počinju teći njihova prava i obaveze. Ugovor se zaključuje na period od 04.05.2017.do 03.05.2018. godine.

VII PRELAZNE I ZAVRŠNE ODREDBE

Član 15

Sve eventualne sporove ugovorne strane će rješavati mirnim putem, a ukoliko to ne uspiju sve sporove će rješavati Općinski sud u Sarajevu.

Član 16

Ovaj ugovor je sačinjen u 4 (četiri) istovjetna primjerka, od kojih Naručilac zadržava 3 (tri) a Izvršilac 1 (jedan) primjerak.

Naručilac usluga

Mustafa Mujbegović
Mustafa Mujbegović, prof.
Broj: 09-3-315 /17
Dana: 04.05.2017. godine



Izvršilac usluga

Salem Novalija
Salem Novalija, vlasnik

O.D. - "SCODES"
SARAJEVO, Doljanska br. 43
vi. Novalija Salem